

(bele prepara aifunan ho surat tahan atu fó ba foin-sa'e ida-idak, se bele hetan aifunan moris nian, maski ki'ik, di'ák liu. Bele mós prepara dalan ida hodi tau iha ninin fatuk sira; se hala'o selebrasaun iha kapela ida bele tau fatuk sira iha koridór sentrál)

G: Tempu Kuarezma nian konvida ema hotu atu nakfilak an, atu fila fali ba Maromak laran luak hodi rekoñese katak ita mak ema fraku , ne'ebé presiza ninia tulun atu bele moris tuir justisa, domin no damen. Sakramentu Rekonsiliausau nian tulun ita atu halo ain-hakat ida ne'e, hodi ba hasoru Maromak nia perdaun. Iha sakramentu ida ne'e, ita rekoñese katak ita hanesan rai-rahun, ita folin laek, maibé hodi la'o hamutuk ho Jezús, ita bele hetan moris no domin. Ita hahú hodi tau iha ita-nia oin, simbolu sira ne'ebé fó hanoin ita-nia kondisaun moris nian mai ita.

KANTU:

halo prosisaun hodi lori ba altár (se halo selebrasaun iha uma Kreda ka kapela ida) ka iha oin: Biblia, katesizmu, sana-rai ida, aiklak no kruz ida.

G: Oinsá ita bele rekoñese ita-nia sala sira? Oinsá bele hato'o ba Maromak ita-nia neon kraik ba ita-nia situasaun? Leitura ne'ebé tuij mai, sei tulun ita atu hatene dalan.

I · Dt 8:2-3 | 4-16

Iha loron hirak ne'ebá, Moisés ko'alia ba povu nune'e: "Ó sei hanoin nafatin dalan sira hotu ne'ebé Na'i, ó-nia Maromak, halo ó la'o tuir iha rai fuik maran tinan hatnulu nia laran. Ne'e, atu ó keta foti-an, atu koko ó-nia laran, ó moris tuir eh lae Ninja ukun-fuan sira. Na'i hatun ó-nia oin, halo ó hamlaha, fó han o ho Maná ne'ebé ó la hatene, ó-nia bei ala sira mós la hatene. Ne'e, atu hanorin ó katak ema kriatura la moris de'it ho ai-han: ema kriatura moris ho liafuan hirak ne'ebé mai husi Na'i nia Futar ibun. Ne'e duni, ó keta haluha Na'i, ó-nia Maromak: Nia mak hasai ó husi rai Ejipto husi uma terus fatin. Nia halo ó liu husi rai fuik maran ne'ebé halo ta'uk ema, samean ibun-moruk no sakunar sira rain. Rai maran dekor, la hetan bee; Nia mak husi fatuk inan halo bee suli ba ó. Nia mak fó han ó iha rai fuik maran ho Maná ne'ebé ó-nia bei ala sira la hatene".

(momentu ruma iha silénsiu)

G: Ohin ita hakarak tuir povu Israel nia esperíēsia: dala barak, iha ita-nia moris, ita halo hanesan hebreu sira, ita simu buat barak husi Maromak, maibé ita haluha kedes, ita la hatene rai, iha ita-nia fuan, prezente furak ne'ebé Maromak haraik mai ita.

I MOMENTI: HANOIIN...

G: Iha pasajen ida ne'e Moisés konvida Hebreu sira atu la haluha, atu hanoin hetan buat furak ne'ebé Maromak halo ba sira. Ita reza ho leitura nia liafuan, hodi kompara hebreu sira-nia esperiênsia kona-ba terus no susar ho ita-nian.

H: Maromak fó han ami ho maná ne'ebé ami la hatene

I: Ha'uu hasai ó husi rai Fiiptuu

H: Maromak fó han

I: Ha'uu basai ó busi iuma terus-fatin

H: Maromak fó han

I: Ha'uu halo ó liu busi rai fuik maran ne'ebé halo ema ta'uk

H: Maromak fó han

I: Ha'u halo bee suli ba ó busi fatuk-ipap.

H: Maromak fó hán

Ita hatene katak, maski haree milagre barak husi Maromak, Povu Israel, mumú beibeik hasoru Nia. Ita lakohi halo hanesan sira, tan ne'e, iha momentu ida ne'e, ita buka motivu sira ne'ebé halo ita agradese Na'i: ita bele agradese ba ema sira ne'ebé hadomi ita, bele agradese tanba eskola la'o di'ak, ka halo servisu ida ne'ebé gosta, bele agradese tanba isin di'ak ida-idak hele hanoin

Entrega ba sira ida-idak aifunan ida, se aifunan surat-tahan nian sira bele hakerek iha aifunan motivu ida atu agradese, bele hili knapananuk agradesimentu nian ne'ebé hananu durante tempu ne'ebé sira tau aifunan.

Se uza aifunau moris nian, bainhiria ba tau iha sana-rai, foin-sa'e ida-idak bele espresa ninia agradesimentu lima bele hananu refranu ida agradesimentu nian.

II MOMENTU: ITA IHA NE'EBÉ?

G: Maski ita halo esperiénsia furak kona-ba Maromak nia prezensa iha ita-nia moris, ladún fasíl tuir Jezús nia Liafuan iha ita-nia bilin loron-loron nian. Buat ne'ebé Jezús hato'o mai ita mak eziiente liu:

SELEBRASAUN PENITENSIÁL

(foin-sa'e ida-idak lee fraze ida; entre fraze ida no ida fali husi momentu ruma nonok nian. Bele tau musika maibé la forte)

- * Imi hadomi malu hanesan Ha'u hadomi imi
- * Imi hadomi imi-nia funu-balú sira no imi reza ba sira ne'ebé halo aat ba imi
- * keta hanoin resin kona ba imi nia moris, no buat ne'ebé imi sei han, eh kona ba imi nia isin no oin sa imi sei hatais.
- * imi sei ko'alía hanesan ne'e: Nune'e, nune'e; la nune'e, la nune'e. Liu fali ne'e, mai husi ida ne'ebé aat.
- * Imi keta halo buat di'ak iha ema sira oin atu sira hree imi.
- * Fó ba ema ne'ebé husu
- * iha fatin ne'ebé ó tau ó-nia murak, ó-nia fuan sei hela mós iha ne'ebá

G: Se ita reflete didi'ak, ita haree katak ita-nia hahalok sei dook husi Jezús nia Liafuan sira, dala barak ita la tuir Maromak nia dalan, ita gosta hili dalan "korta" sira ne'ebé lalais liu lori ita ba buat ne'ebé la di'ak no hadook ita husi Maromak. Dala ruma ita moris iha konfusaun laran, ita la hatene rona eh tuir se, ita lakon ita-nia konviksaun no ita hili la loos. Maromak hatudu ninia domin mai ita, maibé ba ita susar atu deskobre ninia prezensa iha ita-nia moris, ita haluha Nia no ninia hahalok.

Iha tempu nonok nian, ida-idak hanoin oinsá nia hatán ba Maromak nia proposta sira ne'ebé foin rona, se nia simu Maromak nia domin ka nia hadook an husi domin ida ne'e no maluk sira nia domin. Ho sala sira ita hakribit Maromak nia domin no hadook an husi dalan ne'ebé Maromak hatudu ba ema ida-idak. Foin-sa'e ida-idak ba foti fatuk ida husi dalan no lori fatuk ida ne'e dook, hafoin nia bele tuur no uza tempu atu reflete no prepara an atu konfesa.

Fó tempu 10 minetu atu reflete.

G: Ita husu Maromak nia perdaun ba buat hotu ne'ebé ita halo hodi haluha Nia ka ho intensaun atu halo aat ba ema seluk:

H: Na'i, haraik fuan moos ida mai ha'u

I: Maromak, iha Ita-nia laran-di'ak sadia ha'u, halakon ha'u-nia salan iha Ita laran luak

H: Na'i, haraik fuan moos ida mai ha'u

2: Ha'u hatene ha'u-nia hahalok aat sira, ha'u salan iha ha'u oin bei-beik **H:** Na'i, haraik....

3: Ita hadomi lia los iha fuan, purifika ha'u, ha'u sei sai moos, **H:** Na'i, haraik....

4: Husi ha'u salan sira ita fila kotuk no halakon ha'u-nia hahalok aat hotu **H:** Na'i, haraik....

5: Haraik mai ha'u Ita-nia ksolok dala ida tan, ho espíritu laran-luak nian tulun ha'u. **H:** Na'i, haraik....

Kantu: hili knananuk penitensiál ida; durante knananuk foin-sa'e ida-idak ba altár no tau aiklak iha ninia ulun (hanesan Kuarta Cinzas nian) hodi dehan "Na'i, perdua ha'u-nia salan"

Tuir mai bele ba konfesa, hotu ona ida-idak ba foti fali nia fatuk no tau iha fatin uluk nian (iha dalan)

III MOMENTU: ITA FILA BA DALAN LOOS

G: Ita agradese Na'i, ne'ebé haraik nia perdaun mai ita, hodi hahí nia laran luak

I: Maromak, Aman laran di'ak, Ita hili no bolu povu Israel, ohin mós Ita bolu ami

H: Hahi'i no hawelok Na'i ba nafatin

I: Dala barak ami hahú tuir Ita, maibé ami lakon Ita-nia dalan; ami agradese Ita tanba ohin Ita haraik fali Ita-nia perdaun

H: Hahi'i no hawelok Na'i ba nafatin

I: Ita hafoun ami ho Ita-nia domin no Ita-nia ksolok, già ami hanesan Ita già Moisés no povu Israel iha rai fuik maran

H: Hahi'i no hawelok Na'i ba nafatin

G: Ita saran iha Maromak nia liman, ita nia haka'as an atu moris tuir Ninja dalan, ita hananu hamutuk **Ami Aman** hodi kaer liman.

Orasaun finál: Na'i Maromak, loron-loron Ita hein ami-nia sim atu la'o tuir Ita-nia dalan; bainhira dalan sai todan tulun ami atu la haluha Ita-nia domin no Ita-nia prezensa, atu halo ami-nia moris sasin ksolok nian kona-ba Ita-nia perdaun. Ami harohan ne'e hodi Na'i Jezús Kristu nia naran hamutuk ho Espíritu Santu

